



AKCIJA "LUTKA 2"  
**Radončić predat  
Tužilaštvu BiH**

**SARAJEVO** - Policijski službenici **SIPA** nakon kriminalističke obrade juče u popodnevним časovima predali su Tužilaštvu BiH lidera SBB-a Fahrudina Radončića na dalje postupanje.

- Postupajući tužilac će u zakonskom roku od 24 časa ispitati osumnjičenog i nakon toga donijeti odluku o aktivnostima. Nakon tužilačke odluke, javnost će biti informisana, a zbog zaštite istrage, u ovom trenutku, Tužilaštvo BiH ne može davati više informacija za javnost - rekao je juče portparol Tužilaštva BiH Boris Grubešić.

U jučerašnjem saopštenju SIPA podsjećaju da je u operativnoj akciji "Lutka 2" Fahrudin Radončić u ponedjeljak na području **Hadžića** lišen slobode zbog **postojanja** osnova sumnje da je počinio krivično djelo ometanje rada pravosuđa.

- Policijski službenici **SIPA** u ponedjeljak i utorak su pretresli objekte na tri lokacije na području Sarajeva s ciljem pronalazjenja i **privremenog** oduzimanja **predmeta**, koji mogu poslužiti kao **dokaz** u daljem postupku. Navedene aktivnosti realizovane su po naredbama Suda BiH i Tužilaštva BiH - navodi se u saopštenju. **D. M.**